

鼎修德安府全志卷之二十四

藝文 安陸縣

詩 五言古

白兆山桃花巖寄劉侍御綰

唐李 白

雲卧三十年好閒復愛仙蓬壺雖真絕鸞鶴心悠然
歸來桃花巖得憇雲窻眠對嶺人共語飲潭猿相連
時升翠微上邈若羅浮巔兩岑抱幽壑一嶂橫西天
仙籬日易隱崖傾月難圓芳草換春色飛蘿搖暮烟
八遠構石室選幽開山田獨此林下意杳無區中緣

德安府志

卷之四 藝文

永辭霜臺客千載方來旋

秋浦寄內

李 白

我今潯陽去辭家千里餘結荷捲水宿却寄大離書
雖不同辛苦恰離各自居我自入秋浦三年北信疎
紅顏愁落日白髮不能除有客自梁苑手携五色魚
開魚得錦字歸問我何如江上雖道阻意合不為殊

自代內贈

李 白

寶刀裁流水無有斷絕時妾意逐君行纏綿亦如之
東門前草秋巷春轉碧掃盡更還生萋萋滿行跡



鳴鳳始何得雄驚雌各飛遊雲落何山一往不見歸
估客發大樓知君在秋浦梁苑空錦衾陽臺夢行雨
妾家三作相失勢去西秦猶有舊歌管清淒聞四隣
曲度入紫雲啼無眼中人妾似井中桃開花向誰笑
君如天上月不肯一迴照窺鏡不自識別來憔悴深
安得秦吉了爲人道寸心

秋浦感主人歸心寄內

李白

霜凋楚關水始知殺氣嚴寥寥金天寡婉婉綠紅潛
胡雁別主人雙雙語前簷三飛四迴顧欲去復相瞻
豈不戀華屋終然謝珠簾我不及北鳥遠行歲已湮
寄書道中嘆淚下不能緘

送內尋廬山女道士李騰空

李白

君尋騰空子應到碧山家水春雲毋碓風掃楠花
若戀幽居好相邀天紫霞

其二

多君相門女學道愛神仙素手掬青靄羅衣曳紫烟
一往屏風疊乘鸞著玉鞭

在潯陽非所寄內

李白

聞難知慟哭行啼入府中
多君同蔡琰流淚請曹公
知登吳章篇昔與死無分
崎嶇行石道外折入青雲
相見若悲嘆哀聲那可聞

般若寺水閣納涼喜遇薛員外
李 白

翛然金閣賞遠近含晴光
樓臺成海氣草木皆天香
忽逢青雲士共解丹霞裳
水退池上熱風生松下涼
吞討破萬象窺臨衆芳
而我遺有漏與君用無方
心垢都已滅永言題禪房

白兆山房

劉 紹 恤

德安府志

卷之四 藝文

三

平生抱微尚終歲棲禪林
遠彼城市喧眷此山水清
鐘磬一以寂有鳥嚶嚶鳴
乍聽似絃歌興闌激哀音
出谷定何日愴焉摧我心

其二

琴書有餘暇僧侶相因依
陟彼桃花巖胡然歌芼菲
春華禮且灼一往寧後歸
片石空嶙峋日夕牛羊腓
陵谷不自保浮雲安所希

其三

消萬珠泉聞步行且至憶
彼滄浪兒片言寓風刺

長歌向山谷胡用理繁
飲水可樂饑何必富與貴

其四

荷倚谷中蘭馥馥日以芬
亭亭山上松鬱鬱日以青
高臺望何極荒草相侵尋
雲卧人已往獨留身後名
感茲長太息陶陶自沉冥

同程孟儒遊山寺時何仁仲遣使持酒饌至

明方尚斌 仲美

遊楚經十年名山幾登陟
遙聞白兆勝復遊鄖子國

德安府志

卷之甚 藝文

四

我友郡侯客能假車馬力
聯鑣抵林麓攀躋託雲翼
湏甲賢主人飲我丹巖側
山蔬侑竹葉鳥馴許共食
凌晨登高峰延佇至日晏
是時當盛夏耽遊意難極
執熱不以濯歷險逢憩息
石門恍惚開丹梯若可即
路入桃花巖晚霞桃花色
巖前俯平陸城郭遠烟黑
天低漢水東地盡稷陵北
明朝向風塵此地逢相憶
白兆山為太白讀書處
春日遊此讀壁間留題

感而步韻

樊維域

惆悵此何年登臨訪謫仙
高踪曾逸矣遺韻尚依然

綠水新鶯調一七苔野鹿眠孤峰人獨立萬壑樹相
珠泉留幽徑石室罩山巔甲子渾無厝桃花別有天
浮雲看易變旅客夢難圓何如邀夜月可以醉春烟
買剡云難隱躬耕足之田幾謝塵囂事永偕林下緣
蒼蒼松風裏欲去復言旋

遊白兆山寺

程福生 孟儒

曰兆城西近驅車此躑留芙蓉平地轟花萼倚雲稠
風細鐘聲杳烟和樹色幽遙看谷鳥沒坐見晚虹收
蓮宇塵長淨桃花水自流昔賢遺勝蹟我輩續名遊
德安府志 卷之五 藝文 五

磐石堪消暑涼颺儼是秋一觴情未極歸興更悠悠
報恩寺 知范 理天台

幽尋何必遠投足得佳致梵唄在林薄白雲趁行騎
繼傳候前堵一鳥鳴蒼翠殿製已凌虛長廊轉深邃
朝齋折露葵茗碗祛煩累心境湛以寂便欲黜機智
轉助塵世界身迹祇如寄役役以終朝令人發長喟

東嶽觀

范理

久爲職務羈暫此一登歷古殿據崇岡深沉恣遊息
忘未落踈陰幽禽響泉石煩抱忽然舒清譚竟終日

轉念民未康泰茲牧人責歸來入山城復與仙都隔
望白兆八章送朱公也
譚元春

予望白兆是公攸蒞山繇古人公去恐曠往予望之
當雨而霽

其二

公望寒河是予攸居林木蒼蒼予出恐虛胡公望之
宛白兆如

其三

昔公知我我不敢曰惟公知我引焉避焉公曰士如

德安府志

卷之苗 藝文

六

此則可

其四

昔公下士我不敢曰惟公下士以潔以慎公曰士如
此則異

其五

既一今古既畧崇卑飲之坐之雜語笑之言莫有聞
聞亦莫知明月依依樹隱垂垂行步遲遲此夕當思

其六

駕馬馬霜渡 泗河冰比及三年天子惟徵執玉來朝

乃錫金縉鄖國雖小古有曹滕四方律公乞盟載冊
惟天下神聖以莫不增

其七

公之往矣我不敢嗟公何往矣如松栢斯花

其八

公之來矣我不敢欣公何來矣如飛鴻斯羣

七言古

安州老人食蜜歌

贈仲舒

宋蘇軾

軾

安州老人心似鉄老人心肝小兒舌不食五穀惟食

德安府志

卷之四

藝文

七

蜜笑指蜜蜂作檀越蜜中有詩人不知千花百草爭
含姿老人咀嚼時一吐還引世間痴小兒小兒得詩
如得蜜蜜中有味治百疾正當狂走捉風時一笑

詩百憂失東坡先生取人廉幾人相歡幾人嫌恰似
飲茶甘苦雜不知食蜜中邊甜因君寄與雙龍餅鏡
空一照雙龍影三吳六月水如湯老人心似雙龍井

白兆懷古

元貫雲石

美人一別三十年思美人今在我前桃花染雨入白
兆信知塵世逃神仙空山亭亭停朝暮老樹悲秋發

紅霧爲誰化作神仙區十丈風烟隔湘浦暖翠流香
春自活手撚殘霞此三末幾回雲外落清嘯美人天
上騎丹鶴神遊八極棲此山流水杳然心自閑解劍
長歌一壺外知有洞府無人間酒酣仰天呼太白眼
空四海無纖物明月滿山招斷魂春風何處求顏色

嘉靖壬辰徂夏不雨小滿後一日偕司教李雪

莊鎔康古泉健潘松巖昭鄭西泉坤彭無崖
暉鄧筆峰才正蔡翠峰春齋潔禱於桃花巖
之龍神祠焚香龍湫有巨蛇口俄而風雨自

德安府志

卷之苾藝文

八

西北來數刻乃止枯環遂潤天道固邇也是
行也勤民事紀勝遊各賦一聯以紀歲月云

明知李一中上饒

遙望桃巖插碧空半巖人在白雲中李山迴鳳翼聞

禪剎泉出龍湫助化工李繡幙遠籠千嶂壑翠濤遙

舞萬松風潘僧供茗碗浮新綠馬踏花蹊碎落紅鄭

飛鳥歌鳴勞露冕靈蛟隱見答乘驄彭醉呼供奉凌

青壁句落桃花綴綠虹康已見填河蘇赤縣寧惟踈

雨滴青桐鄧賜商未敢民書在吾亦名亭往事同蔡

讀賈酸齋題白兆桃花巖之作巴念昔日避亂
於此回首二十年今又是一番太平景色矣

柯一元 元滋
邑人

長庚書院迷遺址彷彿題名四百年六七詞臣空有
賦桃花何處伴遊仙春來風落桃花片灌水悠悠人
不見古往今來事幾非青山惟載詩人面隱隱烟霞
洞口橫琤琤滴翠響棋聲壺中日月靈光迥千樹梅
英歛素魂月明幽谷寒香動紫霧紛紛騰彩鳳白雲
芳草舊宜人眼前去任爲誰勸人言天寶亂非常不

德安府志

卷之四 藝文

九

見從前古戰場馬啼踏處深如井六月人過徹骨涼
二十年來一回首風平浪盡銷刀斗牧童騎犢放歌
行釣叟求魚呼舊友不圖今日見西周未審青蓮何
處遊一拳巖谷蒼松隱還似當年寄跡不

五言絕

桃花巖

宋知范 雍 伯淳
府

涓水夢澤地古跡洵堪求白兆桃花巖翰林棲此丘

前題

何遷

屋上開岩洞床頭滴澗泉流雲常到戶纖月出簾

又

古桂自含秋色白雲故戀青山野老已忘津處桃花
莫到人間

七言絕

別內赴徵

李白

王命三徵去未還明朝離別出吳關白雲高樓看
不見相思須上望夫山

其二

出門妻子強牽衣問我西行幾日歸歸時倘佩黃金

德安府志

卷之廿 藝文

十

郎莫學蘇秦不下機

其三

翡翠為樓金作梯誰人獨宿倚門啼夜坐寒燈連曉
月行行淚盡楚關西

夜郎寄內

李白

夜郎天外怨離居明月樓中音信疎北雁歸來看欲
盡南來不得豫章書

別汪倫

李白

李白乘舟將欲行忽聞岸上踏歌聲桃花潭水深千

尺不及汪倫送我情

山中問答

李白

問余何事棲碧山笑而不答心自閒
桃花流水杳然去別有天地非人間

水西寺

杜牧

李白題詩水西寺古木迴叢樓閣風半醒
半醉遊三日紅白花开烟雨中

宣和庚子八月大旱禱雨白兆

宋知府毛維美

德安府志

卷之四

藝文

十一

云深如茨秀欲齊秋風日夜不勝吹
蛟龍莫戀雲山對正晶蒼生渴雨時

車蓋亭十首之三

宋知府蔡確持正

公事無多客亦稀朱衣小吏不須隨
溪潭直上虛亭表卧展柴桑處士詩

其一

西山彷彿見松筠日只來看色轉新
聞說桃花岩畔石讀書曾有謫仙人

其三

矯矯名臣郝執山忠言直節上元間釣臺蕪沒知何處嘆息思公俯碧灣

浮雲樓

宋知縣

前元翁

舉頭便是長安日弄袖時飄夢澤風梁苑久拋荒草外楚臺遙望碧雲中

前題

宋狀元 鄭 儼

樓在浮雲縹緲間浮雲破處見朱欄山光對入郢城紫溪影橫飛夢澤寒

桃花巖

明李通儒

德安府志

卷之四 藝文

三

地勢下臨鄖子國山光遙射楚王城惟有桃花巖上客曾聞李白醉吟聲

謫仙桃巖

明都憲 張

瓚 宗器 邑人

謫仙逸興寄層臺雲卧荒山一快哉岩畔桃花應念客泉聲日日喚重來

桃花洞

明司 韋商臣

躋石攀蘿上翠微桃花洞在昔人非山僧解說蒲團理慚愧風塵未拂衣

宿白兆山寺

明主 劉伯生 大窪 邑人

岩草淒淒桃花稀
仙人一謫何時歸
千載風塵重回首
空山惟復白雲飛

前題

明觀劉伯燮
小鶴

名山寂寞背人開
李白招呼野客來
石室嵯峨香霧
杏山僧指點讀書臺

陪尾山

明翰楊繪

壽山北聳侵隋碧
湏水南流接漢清
宋玉陽臺猶暮
雨子虛夢澤半春耕

石門

宣珏
二玉邑人

德安府志

卷之四 藝文

三

洞雲密密鎖香臺
誰啓石門放客來
笑問周秦僧不
識桃花就水至今開

湏河送別

劉文房

淮南搖落客心非
湏水悠悠怨別離
早雁初辭舊關
塞秋風先入古城池

寄題何鴻臚甘露園

明王世貞
太倉人

名從鉄甕城邊得人向
金莖
歸豈蕊稍頭渾欲
醉芙蓉葉上未應稀

其二

海內爭傳杜甫詩何將軍第有園池金魚銀甲從他
好第五名高心自知

其三

一點晨光爛欲開露華初潤蕊珠臺
牆頭蛺蝶衝眉過却道何郎傳粉來

其四

千株桃李怨春華九畹芳蘭也自嗟
水部向來心性別只拈霜管賦梅花

溫公書室

張瓚

德安府志

卷之四 藝文

古

何年涑水到瀕城石室藏修尚勒名
一道潺湲若下水

廬山春曉

黃輔鼎

楚水鶯啼淑景移鳳山凝望日遲遲
桃花夜雨烟如繡楊柳春風露欲稀

五言律

安州浮雲樓寄懷張郎中

杜牧

去夏疎雨餘同倚朱欄語當時樓下水
今日到何處恨如春草多事與孤鴻去
楚岸柳何窮別愁紛若絮

金泉寺

湯紹恩

蕭寺暫徘徊城中車馬催參差多古木曲折有崇臺
門迴藤蘿出堂虛雲霧開山僧談妙理他日擬重來

前題

楊儒魯

駐馬金泉寺振衣祇樹林霜天能好日客思鬱秋陰
雲滇松棲鶴山昏霧濕襟故人能夜至燈火坐談深

前題

高 紳

曉尋江上寺道出柳邊橋出閣鐘聲渺催耕鳥舌饒
林塘初積水野竹漸干霄僧在眠羊宕人來問路遙

德安府志

卷之四 藝文

五

前題

明高 祚 曠 峯

雨後看山好秋深到夕涼祇憐遠塵世應欲謁空王
古檜高含翠岩花幽自香招邀步洲渚乘醉咏滄浪

采芳洲十首之二

鄒觀光

楚澤旣芳杜君園芳更多薄言便採摘隨意結岩阿
逕仄還蘿薜亭幽隱芰荷月明羣籟靜忽聽榜人歌

其二

宛宛鄖城曲盈盈水一方千家春雨裏萬樹夕陽傍
縹渺羣峯出潺湲三翼藏遊人不問王誤疑是瀟湘

石門

其和奏

三山元內溪溪長杜衡孤藤添徑穩千嶠入雲
泉瀑沾衣濕吸簧過耳輕以君閱領畧倘莫郎

寓竹塢寺

楊錫鏡跋

倉卒入城市行行避就難賣文俱酒債洗硯足漁食
閉戶思長策攤書獲小安勞勞春可惜都付一江寒

左官就道謝板送者

知縣 宋爾那 錢塘

慟負稱民牧經年心事違卑官寧得罪此戶尚啼餓
莫嗟長路冷猶刺故吾歸揮手河橋別蕭蕭聞舊扉

德安府志

卷之四 藝文

六

其二

斯情無可說道路自分明既冷壺漿貴裝貧去任輕
有家驅逆旅無賴答孤城別去仍愁爾殷勤且力耕

過鄖城贈萬心常

程正揆

我負青溪約胡床君獨隨無雙天下士五百一人師
標渺峯前月池塘雨後詩先生官自冷好泛百花巖

重修文昌閣落成 有叙

閣建於崇禎辛巳壬午應焉歲久漸圯郡伯
高雲旂先生再新之以補巽風丙午又應焉

樓上華筵日日開眼前人事祇堪哀征車自入紅塵
去遠水常穿綠樹來雲鶴更隨歌舞伴山川不盡別
離杯無由並寫春風恨欲卜鄭城首重回

米氏草堂

宋歐陽修永叔廬

俯鑑臨流蕙徑深平泉花下繞陰森蛙鳴鼓吹春盈
耳草滿池塘夢費吟賭墅乞甥賓弄奕驚鴻送目手
揮琴嗟予遠捧從軍檄不得披表五月尋

落花詩

二宋微時
由此知名

夏英公諫命作落花詩一宋

宋宋庠邑人

德安府志

卷之四 藝文

六

昨夜西風拂院墻歸來何事剩淒涼漢臯佩冷臨江
濕金谷樓危倒地香泪臉補痕勞徽隨舞臺收影費
鸞腸南朝樂府休廢曲桃葉桃根盡可傷

前題

宋宋祁邑人

墜葉翻紅各自傷青樓烟雨忍相忘將飛更作回風
舞已落猶存半面粧滄海客歸珠並捐章臺人去骨
遺香了憐無意傳幽蝶盡付芳心與客房

仙桃巖

明知王璽長垣

桃花開處山悠悠聞道青蓮此卧遊徑不補藤殘欲

沒瀑高觸石斷還流雨催新蕨猿聲急風拂寒林草
色悠今日偶來尋往跡人間誰道無丹丘

遊白兆同甘鳴陽廷諫

明方楊

芷次泉邑人

江國閑遊意已長尋秋還宿遠公房山迴大界空餘
色月到中天自上方幾載踪沉滄海畔一宵清榻白
雲鄉從今誰辨松花屐踏遍祇林興未央

宿白兆山寺

明王劉伯生大鶴邑人

芙蓉歷歷削天生細草無聲步牒輕碑殘尚有宣和
字洞鎖猶傳太白名禪房舒鬱香雲杳丹井高縣火

德安府志

卷之廿四藝文

九

霧橫夜聽瀑布床頭語奴盡羣山共五更

偶遊白兆憇桃花洞

孝感張權士異資知縣通州

山情到我即雲眠石老苔斑鎖舊烟霧色深深藏碧
岫桃花片片落珠泉洞間自許邀孤月谷響猶疑醉
百篇只有清狂黃魯直不將勝事讓青蓮

遊白兆山寺

董章素公

桃花歲歲駐春顏染履香飄自徑還是處巖空能任
客到來雲厚亦忘山苔封逕沒僧迹靜岸折濤回水
不問獨上青臺呼舊侶謫仙如在翠微間

春日登白兆山

吳之彥

春放桃園可半開尋幽不為武陵來峯高俯瞰謫仙
洞野潤平吞宋玉臺飛瀑濺珠花帶雨斷碑脫字石
衣苔何當閒結雲間社嘯倚天風坐落梅

登太白西樓

明楊一復

秋到江臯萬木彫登樓凝望雨瀟瀟三朝帶石虛龍
殿千載詞華剩蟻橋郭外青山常自擁尊前日墮好
相邀臨風莫漫生悲慨今古浮沉一夢銷

朱無易郡伯邀飲太白樓

明大傅淑訓東漢司農孝感

德安府志

卷之四

藝文

三

亂山橫擁大江來樓俯飛流亦快哉南面專城雄百
雉西徧拔地起層臺殊無歎息安田里亦有登臨命
酒杯更是彩毫工揆藻不須追羨謫仙才

碧霞臺送楊掌院赴司敗

明其籌大邑人

破帽青衫賦北征一天風雨暗山城得全忠孝原無
死漫比龍逢浪擲生唐相笑談藏利器漢家黨錮坐
虛名傷心不為孤臣別念到同文泣五更

碧霞臺尋狀元故址

明萬之奇心常邑人

生尋往跡意遲遲化鶴城頭望轉迷漫向米家呼舊

石還搜宋史拜先祠霞殘靈識花愁客碧冷荒臺月
共誰指顧鳴岡青未改梧桐可發去年枝

碧霞臺

楊 著 明人

當年樓閣剩莠苔彌望晴空面面開幾片征帆浮遠
港五更潮汛落荒臺霞從竹塢城頭出雲自桃花洞
口來煉石未能傷往事夢休靈識首重回

金泉寺

明中丞張 瓚 邑人

金泉古剎郡城西半畝青松路不迷守塔屢更新首
座開山猶記舊閣黎禪堂寂寞僧歸定古樹橫斜鳥
德安府志

卷之四

藝文

廿一

亂樓十五年前曾過此拂塵重看壁間題

前題

明司寇何 遷 邑人

招携不厭論文地爲爾來尋江苑秋對酒已拚連夜
醉相思無那隔年愁簾開疎豁鳥窺戶林薄翠微人
倚樓把臂法筵應有伴行藏一笑共虛舟

前題

明參政劉紹恤 邑人

空林俯瞰大河流河上風烟正暮秋山色總堪蒼翠
改旅情旋被白雲留孤帆遠浦櫻桃渡落日寒潭蘆
荻洲所謂伊人獨不見頓令詩思晚悠悠

前題

陳揚產

疎竹行盡寶林開
四望平原一快哉
秋色自深雲夢澤
金光如是法華臺
王孫故宅蒼葭裏
郎子荒城返照隈
漫向風塵嘆興廢
遙憐白兆鬱崔嵬

東嶽觀

楊正

東山叢桂鬱青青
仙境招携日未暝
求友鶯聲來靜院
迎人花氣滿空庭
一樽郢調疑飛雪
千載風流此聚星
大雅寥寥期共振
鳧衣故故裊沙汀

朱無錫飲采芳洲

傅淑訓

德安府志

卷之四 藝文

三

五馬行春杜若洲
一尊還許客同遊
寒溪曲抱孤城轉
仄徑斜通小閣幽
誼重陳徐勞下榻
情深莊惠憶臨流
清光選石兼移席
明月疎簾已上鉤

采芳洲再懷何仁仲

明翰 費尚伊 沔陽

百花堂接藕花洲
為爾曾停谷口騶
何氏園林人速朽
習家池館客重遊
酒鑪真若河山魏
蠟屐空存島嶼幽
啼殺村鶻春欲老
不聽隣笛也堪愁

槎山

調 李沈會霖 時沛人

蕭蕭占木萬峯巔
一鶴雲浮宛宛連
自吐紫烟生石

壁誰憐青嶂老芝田鐘聲夜度霜前葉谷響時鳴雨
後天碧落遠林仙掌下好從銀漢問張騫

石門寺

楊正

雲裏招提自化工天開懸石一門通珠林繡錯盤幽
谷丹壁嵯峨上太空飛瀑泠泠瑩作練回梁疊疊宛
成虹便應靜結烟霞侶笑弄梅花洞壑風

石門感舊

有叙

高學傅蕉庵人

祖庭示寂之晨爲先中丞嶽降之日後宦成
過此升階甫拜鐘鼓自鳴說者引五戒已事

德安府志

卷之廿 藝文

三

因委檀越焉越順治戊子若石律師爲甯人
所扼沈茶庵力請於學使王公得出之非所
爲再新廟貌自是山王人心折讓隱侯矣余
碌碌無成殊慚先德感而有賦

百年陵谷法王城過眼浮雲失舊名哀壑自留松菊
影空堂猶拜鼓鐘聲再來風月歸圓澤一擲年華笑
向平祇有鎖門獅象在山腰閒聽鷓鴣鳴

夏夕招許雲章施子翔諸子小飲山亭人夜酒
酣月起許子清歌涼飈振木賦贈

太守高 翺雲旂

秋槐風入晚涼生 月中山空鳥不驚 高露濯流雲 漢影幽人淡感昔 今情浩歌非擬蘇 門嘯天籟 遙聞緜嶺笙起舞 清光踏蒼藻 草堂閒靜夜三更

高郡伯雲旂先生步禱輒應許子雲章有詩喜

雨因步元韻

高 騫處厚 孝感

月挂山頭雲出阿 露涼滾滾入嘉禾 桔槔隴畔忘機事 欵乃灘邊有逝波 飯壑不從霜淞備 田疇會向雨陰歌 未知驢背探竒客 古錦囊中較孰多

德安府志

卷之廿

藝文

廿

高郡伯步禱碧山真武廟旋下龍池躬自取水 人城置城隍廟前後二日雲起山起雨自西來 萬隴沾足至誠有感 洵然孔以老農夫辱在追隨不獨為子姓慶因里言志喜

王宗孔

應龍昨日汲龍池 乍捲黃簾即雨師 杖履雲生雙不借 瀟湘波滿一軍持 心原如水泉無幕 喜且名亭道有碑 羸得老農車下語也 邀餘沫入龜茲

重修文昌閣落成

甘和森

往蹟飄搖二十年椒圖旦復裏雲烟直將五鳳千尋
手竟補三湘一壁天帝座浮空通碧落文情就水漾
青蓮落花久已傳佳句勉續當年二宋篇

西坂麥秋

高聯捷

薰風嗟拂遍西疇泛泛黃雲五月秋四境稻糧鷄犬
散千家桑柘雨烟浮村童拾穗聲相應野老含哺意
更悠會見農功歌大有披襟遙倚夕陽樓

秋日遊白兆寺懷李供奉

郡守傅鶴祥繡水

碧山木葉盡含霜半日閒分逸興揚清淨諸天現像

德安府志

卷之廿

藝文

廿五

古潺湲一水湧流長雅懷勝跡披殘碣恍似仙標入
醉鄉千載清深松竹韵桃花洞口有餘香

初夏過十方庵

傅鶴祥

公餘何處可從容沙白烟清樾蔭濃有水澄泓印皓
月幾人猛醒發晨鐘晴山如送千岩翠淨地須知萬
象空照徹十方長夜

祇園獨見一燈紅

壬戌春日傅君作招集衙齋次韻

毛會建子霞
比陵

十年一片野人心把臂登堂似入林仙跡尚留山水

知音好賢此際如公少
樵採煩同柳下禁

前題

庠生張瀛第卅人

年來荆楚浪濤平
天簡隨車雨露清
眼底荒臺憐宿草
胸中正氣惜名英
人過千古猶憑吊
事在今朝費曲成
莫問相傳公輔業
表揚端在本源明

前題

庠生諸溥卅人

文臺寂寂隱荒村
誰識當年清與溫
地以人傳矜所望
名由天賞始為尊
無雙美譽由公道
有數純臣萃一門
自是漢書垂不朽
得邀清賞勝重恩

德安府志

卷之四 藝文

七

應糧道桃花巖訪李太白讀書處

庠生萬承祐卅人

看山毓得一英才
偶向湓江白兆來
岩有桃花供諷詠
心同流水絕塵埃
讀書遺跡雖堪訪
應世深情不可猜
今日徘徊猶或出
唱酬高擬鳳凰臺

李太白讀書處

楊夢龍卅人

天才不是琢磨成
聊借伊唔養盛名
領得錦江貞氣數
來游湓水動公卿
贊安陸計相公家 岩前高韻神堪仰
殿上揮毫醉可驚
向使能容飛燕恨
崎嶇蜀道有誰行

郡西城太白樓捐俸重構厥工告成秋日登眺

四首

郡守傅鶴祥繡水汝陽

清秋新爽徹高天傑構崔巍霄漢邊
瀕水盈前環玉液碧山一汎響金泉
關門鎖鑰南疆固夢澤汪洋千頃連
觀面朝暉入座裏桃岩彷彿有青蓮

其一

楚北漢東形勝蒐臺聯雉堞畫圖開
晴輝掩映河山色彩筆紛披梁棟材
七澤歌吟牧唱遠八牕明秀好風來
憑高徙倚情無限閣上何人作賦才

德安府志

卷之廿 藝文

其

其三

南天煙景望中收冉冉長空光影流
江漢無涯日泛宅乾坤有地此登樓
秋風夜月度開府瀟雨衡雲元道州
里井熙熙鷗卧穩不知成鳳蒞城頭

其四

四野田疇十萬家青青蒲日徧桑麻
牕虛時挹千峯翠林晚遙看二月花
幾片白雲出遠岫不停帆影落平沙
歸然此日金城壯灝淼鬱蔥繞碧霞

秋日登太白樓奉和元韻

郡丞

梁延年九如

重樓疊翠楚江天，倚望登臨近日邊。
流自碧霞環土帶，山從白兆鎖金泉。
清風綠野荒煙斷，秋水白沙遠浦連。
昔日端陽今夢澤，兩邀福地共青蓮。
任太師

其二

山城樓宇自葳蕤，西爽臨窻氣象開。
太守儉留鍾鼎俸，天官庀節梓楠材。
物平六邑金鱗湧，人傑三臺彩鳳來。
勝地清思難着句，齊陪閣上有仙才。

其三

遠山近水目中收，萬壑波濤入漢流。
翼軫北躔經楚

德安府志

卷之廿

藝文

七

甸瀟湘南去，此瀕樓岩躋松茂，開坤軸澤國金湯壯。
帝州倚檻空青遙，碧裏登臨人在彩雲頭。

其四

麗譙雉堞繞千家，檻外謳歌績臬麻。
叢桂凌霄飄月影，芙蓉帶露綸江花。
無邊秋色橫高嶺，蒲日風光耀錦沙。
乘興自來多韻致，吟成况復帶煙霞。

秋日登太白樓

魏純智

餘閒乘興一登樓，爽氣支頤坐裏收。
舟楫雲飛催晚照，衣裳風灑報清秋。
頻年佐政慚驅策，異日回思應

夢遊倚得深情賢太守桃花潭水共悠悠

和西樓登眺元韻二首

魏純智

湏江紅樹映霞天樓閣高臨北斗邊開府曠懷乘夜
月次山佳興賞林泉俯臨萬戶炊烟密平接千峯爽
氣連丹蘄落成白雪句桃花流水又青蓮

其二

壯麗鄖城竹塢鬼輦飛鳥草綺欄開閣崇勝槩連鶉
尾地轉雄風育楚材湏水清波環檻出碧山紫氣渡
江來熙熙四野歌循卓百尺樓頭十倍才

德安府志

卷之四 藝文

三

秋日登太白樓和傅太守原韻四首之一

李璟景王景南

秋光如畫望中收城郭人家枕碧流多興庾公常坐
月依人王粲每登樓河梁迢迢照述隋樹鄉國歸心下
蔡州幾夜西風天便老蓼花開遍湏江頭

奉和郡伯傅公太白樓元韻四律

教授郭更名

半在人間半接天四圍光景到無邊功成白豹寬巡
鐸化洽朱絃帶響泉愧不才名荒月旦似聞書史韻

留連森森古樹疑
眸極疑見華峯玉井蓮

其二

長坡疊疊石鬼鬼
一瀑當門萬壑開
唱第文章重渡
蟻看山君子
此掄材編簾土
筋藉簷溜入
畫寒溪待
馬來九日題糕
登不遠菊花籬
畔仰仙才

其三

兩度勞捐屆暑
收軒然一洗瑞
華流中宵星斗
飛瓊閣此日神
仙降玉樓雅落
羣芳爭白兆香
飄餘韻買青州
聊從退食來臨
踏照俗衡風最
上頭

德安府志

卷之四

藝文

三

其四

萬里舟車客比家
驚看棠蔭柳如麻
秋高雁入雲中
出天朗城開雨
後花未許西河
留虎渡却欣良
夜有漁沙圍闌
漫爾傳吹角多
少遊人愛晚霞

前題

訓導 鄧志和

層樓碑兀應金天
輪奐新開雉堞
邊平野霜紅撼
落葉環山色翠
漱流泉雲浮畫
棟千門曉窓外
朝曦萬井蓮退
食憑欄來爽氣
餘芬猶挹半池
蓮

其二

金方殘閣失崔嵬
刺史經營光碧開
境內已占新氣象
樓頭不假舊樗材
題納月瑤華散綺戶
禁足瑞色來
修濟穩知無闕事
鴻圖須仗濟時才

其三

秋爽烟光縱
白收心勞撫字澤
長流思飭民力捐清
俸願固邦圉
建成樓座瞰三方
馴雉堵望吞曲水
抱瀕州山龍
亟待賢臣補北看
綸音渡陌頭

其四

東望武昌未有家
年來餐素廢桑麻
承恩愧乏登樓

德安府志

卷之四 藝文

三

賦食德欣看夢管
花應使桃巖人閣
筆不教絳縣耆
沉沙自知卑散
懸霄漢許傍雕欄
玩彩霞

郡伯傅公重修太白樓成秋日登眺漫賦

萬年觀

斜陽帆影映沙洲
一代清風百代留
荷郭早鶯開渚路
亂霞深樹擁江流
課農再見秋成穩
宴客時啣落照
浮畫閣迥增形勢壯
何須重說稻孫樓

秋日登太白樓奉和太守傅繡水先生元韻四

首之一

秦夢求

心齋會稽

西城雉堞鎖江天
高閣初開雲漢邊
萬樹經秋疎遠
嶂千峴趁曉出金泉
烟浮彩棟龍蛇動
日落雕甍水國連
庾府登臨兼絕唱
清新寧復憶青蓮

登太白樓

周旭既白

烟光列列幾花邨
極目凭高愧譜論
歷落峯巒聯五嶽
依稀河影下三門
衡聲近覺傳歡頌
買賦無能備雅尊
况是雍熙歸馬日
共瞻秋月朗平吞

前題

貢生袁嶽雲夢

西山雨過半陰晴
高捲珠簾檻外明
夾岸蘆花貯夜

德安府志

卷之廿 藝文

三

月平沙雁影嘒秋聲
千村場圃登青野
一派潺湲遠赤城
天地巨觀怡耳目
臨風長嘯醉浮觥

前題

庠生熊維振盛宜

獨上層樓望遠天
山光野色總無邊
碧山翠靄開青帳
湏水波洄湧玉泉
時傳夫子守郡有泉噴清流不竭郡人謂公清廉所致因名傳
松明月清風千古麗
淡烟疎樹萬家連
登臨此日情無限
疑接華峰十丈蓮

前題

楊自輝

望裏炊烟幾萬家
年來阡陌富桑麻
半簾皓月雙溪

水一帶丹楓兩岸花遠近舟帆搖瘦柳高低落雁字
平沙金泉留得餘暉在返照層樓映彩霞

前題

夏啓禎 晉興人

樓飛雲漢勢崔嵬三楚雄風此地開永奠金湯誇巨
鎮長培屏翰羨良材山橫秀氣連西望水湧文瀾自
北來昌熾湏封添起色千秋群頌汝陽才

傅公城有序

鄖城西北隅懸巖峙立下臨深淵莫測其際
壬戌春雨溢蛟騰城圯數十丈土石基地俱

德安府志

卷之四 藝文

三

成蛟窟郡伯傅夫子捐俸任勞爲百年不拔
之計八閱月而告成郡人感被之切爰各傳
公城以誌千秋之愛云

楊自輝 美中人

北城蛟窟雨餘傾保障新傳郡守名數塔高樓千尺
浪三更常切百年心風清草澤狐難伏月淡花村犬
不驚南顧何須多隱念鄖封奕世樂金城

雲夢縣詩

五言古

題鄒公尚行書院勉諸子

鄒元標 南臯吉水

頭帶老夫稚子說筭箱神物幽竒夜煌煌燿燿千
望石羊真宮秘殿向阿房鬼雄呵禁王魚沐風
難時鳴鏘年曆更代幾興亡入郢奔隨萬古傷
野次辱宗祊雪怨答君恨過當啓豐貪讒費與
裳

七言絕

歸田留別雲城父老二首

知縣 丘道光

四處飄歌咽不揚春風入在木蘭航逐臣一

恨聖王恩 大水長

其二

德安府志

卷之四 藝文

三

殷勤父老漫相將可惜并州是故鄉此去日南天萬
里幾人花下憶潘郎

邑侯疏縣河功成喜賦

胡繼園 寫凡

雲上香鋪渭河干潏潏東流遠廓灘漕運軍儲固賈

集賢宮吏 長文瀾

經雲夢 懷宋玉

左 鈺文 川

從於 空 臺夢澤中大言長劍倚天雄風沉儒雅師干
古恨不同時有杜公

城北子文廟 址感賦

胡且瀚 山水

廟貌從來古社宮春秋祈報若敖功自經燹後餘焦
土碑立荆榛寒雨中

讀子虛賦

王士善 至菴

百里雲城一彈丸長卿麗賦楚天寬人文能使山河
壯不特封疆後巨觀

氣蒸雲夢澤

孟浩然句

鄒覲光

洞庭渺渺鬱葱葱八百湖山一氣中莫怪胸吞魯不
芥一杯滄海漾鴻蒙

潦深夢澤田

採菱曲

德安府志

卷之廿 藝文

三

跨江南北水泱泱菱子花開芰葉長龍上泥蓑忙拈
犢湖邊短櫂起鴛鴦

碧潭秋月

程遵舜 雪子

秋空雪淨碧天清萬籟無聲雁陣橫朗月鏡分潭底
影蛟人驚徹夢難成

河隄烟柳

聶亮宗 士雅

蜿曲河防水抱長春風垂柳復垂楊桃源應在蒨葱
裏一徑濃陰入渺茫

曲湖曉雪

空湖更覺曉來空
皓皓四顧中
摩詰相臨存
縞素不須藻繪墨花濃

南原麥秀

張嶠 峨山

茵鋪十里青
高下疊浪千畦綠
往來微雨初晴聽
雉雉好携春酒踏蒼苔

高岡梧雨

王延中 公振

無端山韻響
錚錚擬作空
飛石燕聲試看烟雲深
鎖處飄搖桐葉有餘情

五言律

德安府志

卷之廿

文

元

過子文故里有感

明 王守仁

勝地傳於菟
名聲爵里存
神靈腓異物
忠孝錫賢孫
岩石蔚然古
風流遐不諠
誰人任剛武
乳虎在方

程青發東園

邑令 龔道洽 默思

桃源一水曲
蓮社數花開
但覺人間遠
相從晝裏來
舟回輕似葉
樹合碧如苔
客至聞長嘯
新詩待汝裁

高岡梧雨

進士 李弘定 大猷

鳴鳥聞難再
高岡此上存
不知秋幾樹
猶見雨餘村
遠澗涵蒼影
空山漲碧痕
偶來沾翠溼
相與覓雲根

北河分流

李人文 在茲

一帶環空出潺湲隔嶺聞派從試外別聲向樹中分
野既寬靈雨津航送夕曛願言施澤久勿使旱如焚

碧潭秋月

張隨奇 辛常

豈是蟾蜍宅幽光為爾湛月能常在水秋自不離潭
山瀉青無漏天低 盡涵夜深分一照形影應多慚

羅陂春蛙

癸卯吳觀光 員王

芊芊草綠離野水漲春陂一部鼓吹壯三千虎賁馳
牧歌聲斷續村杵响參差為語公孫座何如此地宜

德安府志

卷之四 藝文

三

石羊千阜

進士莫與先 大岸

金馬知何代石羊註此鄉星辰皆崛起碑碣已荒唐
夜月磨麋走秋風禾黍涼誰能謝富貴物外獨徜徉

七言律

宿泗洲寺題壁

餘姚王守仁 陽明

淥水西投泗洲寺經過轉眼又三年老僧熟認直呼
姓笑我清癯只似前每有客來探宿處詩留佛壁作

短傳開軒掃榻還相憶慚媿一摩世外緣

道過泗洲寺

百水毛伯温

泥塗風雨自南來，邑小民貧屢歲災。
湖口渡舟驚鵝雁，田頭立馬問蒿萊。
百年過隙徒忙耳，四顧平原亦快哉。
遙望翠雲連紫塞，明朝新有北書回。

式微已春過泗洲寺

鄆司黃 鞏蒲陽

村風雨掩柴扉，一道松篁擁翠微。
地僻時聞山鳥語，江空暮捲野雲飛。
斷碑歲久無文字，廢圃春深老蕨薇。
又得浮生閒半日，紅塵回首幾人非。

次韻自嘆

王守仁

蕭寺逢僧話舊扉，無端日暖更風微。
湯沸釜中魚亂

德安府志

卷之四 藝文

四

沫網羅石下，雀頻飛。芝蘭却喜棲，
几草桃李那看伴。野薇媿我未持天，
下簪不能為國掃，公非

師次泗洲寺次陽明先生韻

湖北監章 曠于野

山閒野色寺閒扉，入逕從容看細微。
眼觀清賞一燈暗，筆已顛來兩袖飛。
夜露懷人憐朽骨，春風遣戍採剛薇。
至今惟有僧偏健，不念時艱念已非。

利塘鎮文昌閣初成

聶心純 元一

傑閣臨湏挽去濤，文瀾叠起蔚英髦。
香飄古篆呈金

簡燈焰蔡光照綠袍佇看雲衢鴻漸陸載聞月野鶴
鳴皇弘勳應邁於菟子不羨詞章繼楚騷

泗洲寺次韻

袁 獻陟在

藤蔭迳逕日啣扉古寺荒烟坐翠微苔滿碑殘連句
斷詩題壁破點睛飛野禪好月添標指石瀨秋風透
蕨薇箒擁松梢聲瀝瀝至今猶爲掃公非

虎子巖

梁延年

令尹當年虎變時應憐曾作捋鬚兒擇人尚願身生
翼哺子何期穴有雌岵負幾堪爲鳥覆風從甚處報
德安府志

卷之四 藝文

四

身慈不知湮汁能多少願借周充赤子饑

次郡伯傅公與毛子霞韻 程繩伊 憲若

卓越能虛出世心好賢方許振儒林三江才子逢知
已一代斯文起陸沉高唱已隨白雪遠承恩將與碧
潭深春風座上猶刊燭想見公餘更惜陰

韓王岡謁祠題壁 卽韓信隄

張奎文

高岡蜿蜒繞長蛇古廟傾欹草徑斜野樹婆娑搖赤
幟長流湍激湧囊沙

隄下女
兒港

數聲清婉滄浪笛幾點

淒涼古木鴉歲歲豚蹄春社酒營屯還復長桑麻

遊泗洲寺次王陽明先生韻

柳維欽 俞若

經年幽興隔禪扉，忽對梅花笑欲微。
池上縹雲龍隱現，樓頭逸響鶴旋飛。
詩傳佛壁懷吟雪，策遣和門賦採薇。
春日同游餘勝概，山林曾憶幾人非。

遊泗洲寺次韻

王 玉 石 宗

花隱樓陰月半扉，沉沉梵宇自霏微。
詩當靜夜吟偏好，話到名山夢亦飛。
林樹煙深巢野鶴，園池春滿出薔薇。
今來且遂攢簪約，未許陶潛傍昨非。

虎子岩

卽虎乳子文處

萬年觀

德安府志

卷之廿

藝文

四

一自懷疑拋擲時，山君那得乳爲兒。
興周隘巷如竒類，佐楚荒岩有異雌。
歛却瓜牙猶可畏，忽加顧復過於慈。
問風吊古猶歌詠，穩信今朝少溺饑。

應城縣詩

五言古

湯池

唐李 白

神女沒幽境，湯池流大川。
陰陽結炎炭，造化開靈泉。
池底爍朱火，沙傍敲素煙。
沸珠躍明月，皎鏡涵空天。
氣浮蘭草滿，色漲桃花然。
精覽古內珠，入潛行七澤連。

愈疾功莫尚變盈道乃全濯濯氣清泚晞髮弄潺湲
散下楚王國分澆宋玉田可以奉巡幸奈何隔窮偏

前題

華清邑人

赤口浴暘谷造化開洪爐玉泉煮陰火噴薄驪龍珠
昔聞有神女于茲濯肌膚至今泉上花空涵芙蓉藻
驪山斲文瑞蒙被妖物汚何如荒山中游歌續風雩

三台湖

華清

沱潛既云道雲夢成大陸湖爲水所都無乃蛟龍窟
港汊入漢沔瑣瑣錯水族魴鯉及鱸魴此物薦公餗

德安府志

卷之廿 藝文

三

鷓鴣日日來機鶴在林宿泛舟欲何之長笑弄寒綠

趙孝婦

華清

荒灣轉龍口遺墟沒寒雲壘壘荆棘中云是孝婦墳
孝婦養其姑傭織忘辛勤賣兒買棺槨及火火不焚
去今二百年此事猶傳聞勃谿反唇者薄俗徒紛紛
偶寓應城公署雪後月明用杜少陵五言古韻

高翹

雲綴天愈迴積雪凝照瓦誰想洛浦魂搖曳明月下
夜淡星輝踈衣漬清光瀉空庭肅心神展卷恣揮灑

學易息機事五十年非假長歌懷古人來逝若奔馬
寒風吹霜鬢樽盈不能把歎彼鴻冥冥高飛勞戈者
和前韻

程正巽

積玉映停麾圓魄移素瓦飄飄藐姑仙鶴髦翩翩下
扶桑地底寒海水杯中瀉永壺徹八荒清影向身灑
萬物與大儀元氣良非假學易見天心心幾窺龍馬
溪墨發奇光彩筆真堪把浩浩今古情豈問知音者
和前韻

程正萃

玉龍排闥闔素鱗壓屋瓦鮫人供玉盤兩兩光上下
德安府志

卷之廿

藝文

四

荒城鼓聲凍水砮杯停瀉天地靜何爲我公心灑灑
嚴冷透陽和參贊原非假九年恢餘亦六封無佚馬
本是調羹手旌麾暫一把我見漢三公盡屬循良者
七言絕

妙高晚鐘

舉人黃文暹

城門扃罷夜聞聲鼓漏宵鐘各各鳴此日使君誠卧
治妙高臺上月華生

西河古渡

進士王永清

定陸一

清清河水去城西野渡將無路轉迷並見神君舟楫

試濟人不用架虹霓

下女溫泉

進士程良惺

水似紅爐鼎裏來年年煮水鼎無灰眼前瘡若能醫
得池畔何勞玉女開

古城

知縣樊司鐸

雨霽春山紫翠饒花香草碧鳥聲嬌白雲巖住峯頭
寺鶴與山僧伴寂寥

蒲騷臺

周良

古塹有基聲寂寂斷碑無字草離離牧童不管興亡
德安府志

卷之四

四

事一曲昇平笛裏吹

西河古渡

舉人黃啓祚

去來行涉簇足輕舟載名心曉夜搖塵客間關詢往
事獨留沁水濺平橋

龍港印月

進士屠溶

水在盆中月在天此橋吐出月輪圓燭龍何不遊滄
海猶向潺湲尺水眠

五嶺樵歌

楊金聲

山中伐木鳥嚶嚶苛政新除任爾行自是賢侯能雨

露不然何得有歌聲

五言律

古城

周珣

繫馬長安久古城書屋荒春風今過里明月再登堂
浮坐香煙靄當亭栢子蒼老僧還舊好不惜倒壺觴

上方寺

陳階

古寺重闔近幽庭自少塵寶花香破衲金刹映疎筠
空空中色禪叅定裡真不來深處坐那得悟三身

西河古渡

饒恂延

德安府志

卷之廿四

藝文

吳

大洪開正結辛水抱城隍里道通京舖河流達漢潞
濟川欣有楫履險適如夷假令橋長在竟將古渡遺

浴溫泉

傅鶴祥

跋涉身勞瘁尋源思滌塵迷靄凝紫霧澄澈湧明珍
泉暖滋田綠風和拂柳新臨池一解帶欲扣地靈因

前題

萬年觀

一路晴光曉星標不染塵澡身期善世浴德襲全珍
水煖汎沙潤春深草木新四郊人樂處歌頌豈無因

七言律

如鴻踏雪來貞境雲物淒涼文早秋法界千年迷浩
劫浮生平口合淹留蒲團坐穩僧禪定萍跡飄零客
倦遊泉石有懷虛詫望江湖何處可忘憂

寄別徐京成在史時按部視學政

傅振商

蘭臺連袂眼雙青行部文星映使星秋靜士林瞻紫
氣日殘別緒慘青萍多君斗望歌三輔慙我霜威遜
六經南北分飛愁把臂幾迴搔目夕陽亭

栢林寺

郭宣

德安府志

卷之廿 藝文

四

招提山雨路蹊斜故事尋僧問伍家一自虎溪飛錫
杖至今龍井說袈裟坐中願得頻揮麈雲外何妨亂
墜花此道亦能超止界却憐老去學蒸沙

徐京成在史以衡文竣推太僕寄贈

傅振商

文翰雞林舊著名久懸北斗擅高評已從月旦收詞
伯更索丰神借問鄉桃李無言春徑合驪驕如練暮
雲迎馬曹巾駿河湟遠羨爾丹霄芳閣清

鐵牛壩

吳元馨

鑄出紅爐幾度秋神威籍鎮碧溪頭農耕芳草春間
立牧唱斜陽晚不收龍采似經齊寨火犀文解斷楚
江流至今壩上收功處秦檜金牛未許儔

得徐京咸怒麟郎耗寄慰

傅振商

西極間關幾歲寒相望幽抱隔長安歸田我想周陂
月徵夢君懷楚晚蘭岐路宦情誰噉蔗匡時俠氣供
彈冠愁心莫積夕陽遠黃菊落英自相飡

三台漁唱

孝廉黃師憲邑人

巾栢源流接漢隈清波何自肇三台蒹葭隱隱通文

德安府志

卷之四 藝文

兪

物欵乃聲聲賽落梅漁子願奢結網去童兒歌唱濯
纓來時清閒聽觀魚者垂釣何須舟楫材

崎山煙雨

黃師憲

蒲陽景是半湖山此際兔兔煙雨環佳氣舊連漢帝
寵鬱葱今作楚名閔暗煙時鎖荆襄麓細雨殷流夢
澤灣塗炭昔年經赤火登高恐未我紆顏

舟抵長江埠苦淺忽大水方至喜賦

傅鶴祥

畫舫中流出武昌偷閒波際漫洋洋三春新漲桃花

水一榘猶搖澍雨香拂岸清風吹麥浪橫林嫩綠送
鶯簧比年久旱涓江涸何快如之濟巨航

遇上蔡謝先生祠舊趾

齊以治邑人

心拜荒祠憶昔年理學幸賴事功傳考亭師訓昭三
楚義水民謠入五絃廟貌已墟惟客館石文堪語半
苔殘古佛是處饒香火可也於中借一椽

湯池

驪山派接衍神通雞籠雲川一樣同無垢寒溫何處
覓有痾藥石不言功鴛輿間灑塵氛外士女頻襍煙

德安府志

卷之茵

藝文

辛

露中莫道蒲陽清冷甚浮天浴日喜茲隆

孝感縣詩

七言古

表節歌爲劉節婦沈氏

王期昇

楚山嵯峨蒼天蠹漢江五月飛寒玉昔有英皇淚不
收竿竿血染瀟湘綠四千年來又碩人宛轉護庭二
八春箕帚初供花便落西風蕙帳哭霜晨撫孤膝下
未六尺提抱中宵不安席爲囑成人兒勿忘努力青
雲我頭白夜夜挑燈課讀書手牽長縷響縲車冷風

射壁機絲斷續到更殘淚滿
一園一夕烽煙動枯
骨忽驚蝴蝶夢杯土深懷老父恩孤魂已慰重泉痛
春晴剪韭上新墳梨花暮雨泣思君嗣子離居父又
老將來誰掃墓頭雲倏掩淚痕入親宅爲道椿堂年
未百七箸親炊突下煙羹湯點就新肴核勸翁強飯
不須愁三萬六千誰久留寡女一嫺班袖舞庭前又
報桂花秋笑笑惟仗兄弟情嗚咽吞聲話平生彤管
何勞書素節遺骸記取塋同坐我懷貞姬怒如寫水
氣砭人日光杲草莽猶存不死心長嘯一聲天欲老

德安府志

卷之四 藝文

五

白雲山岩歌

王發祥

幸感城北白雲峯迥丘舊有昔人踪黃峽一線摩天
外峭壁巉巖千萬重環鄗古逐戰爭利此岩今爲遺
種處講武曾誇砲架山婁九猶傳 火地城岩原關
唇齒圖城爲賊窟若爲嶼焚城却自岩中者王客失
據爭崎嶇若上居民似蝸房城郭荆榛十載荒張君
勞來有多術邑令張建樓修學更修堂從此金湯成
鞏固臂指纏綿永相護我勸岩人盡野狎處
家室平叅政當年號令明夏公百年雖死氣猶生天

險。十壁墨橫慚愧走殺邵陵兵

苦役謠 癸巳

高 騫

吾鄉里甲是圖都徭役最苦天下無先是時平聞易
辦三十年來無丁夫試問後亦何為者大家哮喘無
日虛大家何事才關少孳孳計畫檄塗朱此檄飛出
鷹狗集駝載簇擁歸未暇田塍星星來上簿老弱輩
輩來供需糧米升斗不收口蠲零款入成錙銖年沒
一年眼血盡大差一屈苦難輪里女可賣各分手三
木傳骨家中蛆無田空役天不聽出言氣絕登蓮魚
德安府志

卷之廿 藝文

三

縱復賢宰廉其弊只博高一嘆吁符牒如雲如火
熱波及族戚連比間此中弊竇更不少囑咐五伯
避趨出脫在手聽高萬錢一食猶次且薄醉揄髯
忽上馬驅牛載豕惟愉愉此輩雖去還復來戴星江
走遑卜居升斗積聚成什伯飛酒不到者誰歟所以
宦丁比屋是遂無單戶素春鋤我作此謠三嘆息庶
幾良牧采其膚

熊母李太夫人建坊旌節詩

傅鶴祥

三楚江山鐘靈秀光滿秋林如錦覆江水倒湧滾水

清人文蔚起瞻輻輳匪獨工才與人傑更有女宗著
奇節端莊靜懿闡德全心同太古瑤池雪黃鶴歌聲
字字淚清臺自衛談何易苦操冰霜五十年教子成
名事特異名成大業何嶙峋 氏金甌第一人仲氏
瀛洲步雁行玉堂金馬立方新海內嘖嘖仰青松
帝命榮旌坊額崇此日孝昌傳盛事千秋長煥紫泥
封

五言絕

白察罕八詠

程距夫

德安府志

卷之四 藝文

五

白雲隱岫

藹藹天際雲還自青山起昨夜爲雨歸今日青山翠
綠野芳春

平原藹初綠時鳥變芳聲還同世外客閒看齊民耕
古塔標峯

浮圖上空翠遙望是層峯落日照峯頂化爲千丈龍
怒泉灌浦

流泉清且甘誰遺姓爲憨搢搢抱甕者泉頭乃結庵
楚山初霽

坐對連峯曉悠悠楚國秋山中深幾許時約白雲遊
石人晚照

何人化爲石朝朝還暮暮只見亂石影不見石人去
棠店霜晴

霜凋棠梨樹爛爛如春花日照樹間屋點染成絳霞
菟村夜雪

楚國但荒榛子文無故宅年年村中獵雪上如菟跡
七言絕

董孝子墓

陳瑚

德安府志

卷之廿 藝文

七

孝子行傭爲塋親到今雙塚傍湖濱休將織絹疑天
女好與千秋感路人

黎節婦雪松詠

張朝表

百尺蒼崖飛白龍月篩松影過湖東桃花亂逐春流
急誰識孤標挺雪峯

弔易貞女

王發祥

節孝貞從未嫁奇寒門有婦甚於兒斷機絕社尋常
事二十年間如一時

五言律

董孝子墓

王發祥

孝子傳神異千秋邑有名婦乃天上女兒亦古人英
至德安傭食精靈感織耕我行封墓碣薄俗示規程

弔唐節婦

沈寅

總爲貌諸孤良人未共徂黃泉貽薄祚青鬢老支吾
歲月霜俱冽江河淚欲枯存唐心已碧持見九原夫
賊圖白雲月餘請救不至

程良籌

片石持全楚危山抗重兵魂銷烽蒲壁氣暗夜攻營
愁笛看明月悲歌動短檠賀蘭與叔異誰復念孤城

德安府志

卷之廿

藝文

五

神鼎閣

王穉登

昔從汾水得今自楚原登建閣藏神物題詩紀瑞徵
辨銘周易字問地漢龍興易表三公象因之頌彥升

董湖涉園

嚴正矩

林居不厭僻築地此中偏水澗含秋色峯青映遠天
古臺高見月喬木澹生煙夕鳥歸飛外漁人駕短船

遊天台寺

黃世勳

寶地擬天台人如採藥來偶因紅葉觀而作赤霞猜
瀑明飛練雙峯落剪裁庭前柏樹子即可獨徘徊

七言律

董孝子墓

雷鳴春

斗湖芳草鬱芊芊湖上高風自漢年天為封塋勞夜
織陂餘流水入哀絃松楸煙鎖啼鳥冷華表雲飛繞
鶴偏撫景憐君多勝蹟秋陰回首欲潸然

詠張抃截指

盧喬

鹿走中原天欲傾提戈誓死一毛輕笳鳴寒草寒無
色血濺胡雲黯不明斷壘蕭條唐社稷孤忠想像楚
精靈不堪異悲臣節弔古從君感慨生

德安府志

卷之四 藝文

五

詠姚貞女

劉康國

聞道閨姝始字身靡他之死却驚人綱常任重千年
事鐵石心堅四十春就養愧今能孝子立孤還擬托
孤臣只今問俗濃陽道為爾芳名節義頻

詠萬烈女

舒朝相

十室名賢識董張為誇忠孝丈夫行千年間氣輪誰
屬廿載春光為義亾採履刺寒心上血殉身帶裂劍
邊霜懣帷何物綱常重常使英雄淚滿裳

夏侯氏王氏姑婦雙節詠

葉向高

女史從來咏栢舟
楚天雙節足千秋
姑因無怙依青鬢
媳以遺孤事白頭
人見冰心今日寵
誰憐丸膽向時愁
一毛是鳳鳴清世
不但陳情只報劉

彭節婦胡氏死難黔陽

金堡

牛衣慰藉古非遙
得與夫君義並高
豈謂一行違白首
猶看生氣載青蒿
松筠比節兒家訓
冰雪捐軀爾輩刀
聽罷旅人宵哭後
梧雲芷水合風濤

僊姑洞

秦松

蒼厓千丈垂蘿葛
青橘一株當洞門
仙籍但聞唐故

德安府志

卷之四

藝文

五

事山人不說古龍孫
谷皆瑤草非凡境
洞盡桃花又遠村
欲就雲英問丹訣
不知何處是真源

弔唐節婦

戶部尚書

傅淑訓

誰言死易立孤難
擔荷惟輪鐵作肝
不瞑雙眸終化石
尚存一息爲和丸
磬縣遺秉存危髮
穴牖寒燈照蓋棺
彤史千秋傳異譜
迴波砥柱障汪瀾

戊戌邑大水傷溺

沈宜

門前溝畷卽江河
咫尺隣居不得過
累舍絕糧悲鳥雀
空房無主到龜鼃
日邊白水簷端動
雲外青山鏡

裏多說是滄桑人，不信綠楊枝。妙韻漁歌

前題

程下孫

悲秋宋玉總銷魂，審雨應知大小言。離畢已知封蟻穴，疏河須另鑿龍門。青山對面招逋客，白水旌心報至尊。屏醫海東今尺五，請看平地舞江豚。

過淤洲咏

顧龍裳

曠望平原面面湖，滄桑未改陸沉途。馬蹄踏積欺沙軟，牧豎亾牛藉草呼。一自龍孫分采地，祇餘鷗鳥避征符。傷哉民力今斯竭，安得監門起繪圖。

德安府志

卷之廿 藝文

五

理絲橋相傳織女

梁延年

純孝惟憑一念真，却緣孺慕動天人。神功嘿運經綸巧，密緒微分斷續新。暫托桃源塵外契，贖回金六夢中身。可知帝鑒非冥漠，下視蒼生各有親。

隨州詩

五言古

題隨州紫陽先生壁

李白

神農好長生，風俗已成久。復聞紫陽客，蚤署丹臺名。喘息飡妙氣，步虛吟真聲。道與古袖合，心將元化并。

樓疑出蓬海鶴似飛玉京松雪窓外曉池水塔下明
忽就笙歌樂頗失軒冕情終願惠金液提攜臨太清

送諸葛覺往隨州讀書

韓退之

郭侯家多書架插三萬軸一一懸牙籤新若手未觸
爲人強記覽過眼不再讀偉哉羣聖文磊落載其腹
行年餘五十出守數已六京邑有舊廬不容久食宿
臺閣多官員無地寄一足我雖官在朝氣勢口局縮
屢爲丞相言雖懇不見錄送行過澧水東望不轉目
今子從之遊學問得其欲入海觀魚龍矯翮逐黃鵠
德安府志

卷之四 藝文

五

勉爲新詩章月寄三四幅

劉文房行營酬呂侍御時尚書問罪襄陽軍次

漢東境上侍御以州隣寇賊復有水火迫於

征稅詩以見論

不敢淮南卧求趨漢將營受辭瞻左鉞扶疾抗前旌
井稅鴉衣樂壺漿鶴髮迎水歸餘斷岸烽至掩孤城
晚日歸千騎秋風合五兵孔璋才素健早晚檄書成

下澧戍

馬倫

三才各奠位惟一期有定殷夏邇太古曾有二裂柄

黍離降世風春秋筆王政鼎立而瓜分斯世何由靖
治亂埋有之今昔闢生命踏躑下差成使我渺泗近
南都謫大狐天封與之俱俗老相傳指云是嘯之區
別有大湖山鬼然西南隅詎應昔賢賦舍大顛小圖
僧人類羸拙唐宋溺浮屠取此加諸彼誤孤以為湖
世道相舛訛寧獨茲已乎

尹公亭

尹公天下士獲譴爲憐才官謫心自泰名與亭相鬼
德安府志

卷之四 藝文

李

用世才不究身命一朝催從來賢達士偃蹇良可哀
挈之間蒼天蒼天竟悠哉

遊靈濟巖

祝以函

追余頷一十歲忽再更齋山靈識余晚相見兩錯愕
未入瞻一澄暫慰神益矍怒石排虛空驚枝互纏絡
森蒼來撲替流翠欲粘屬彌引探層扉混沌何年鑿
陰風萬竅嘯返照漏螢燿就勝擬延樓怖奇旋中卻
至人七日定定後竟何著石跡屯古雲靈液垂酥酪
斬波一勺多療此千頂洄悵遵歸途鳥去煙漠漠

事只恐飛霜到黑頭

夏日登白雲樓

知州李克嗣

浪迹湖湘幾度秋百年忠孝是身謀
葵心老更傾紅日斜倚雲端獨上樓

太平山

李太守

蒼勝古木暗空山掃石題詩杳靄間
忽見流紅隨水遠恍疑碧落在人寰

五言律

歐陽永叔留守相公移鎮漢東 胡曾

德安府志

卷之廿 藝文

六一

湖郊徹楚崗舊相擁新旌路昔青山在
人驚白首行間農穿稻野侯節見柳英腰組人稀識偏應邸吏驚

六月過唐縣鎮

黃鞏

滾滾紅塵裡憑誰賦遠遊垂楊低拂馬
深竹暗鳴鳩春事將無及瘡痍尚未瘳
勞歌應更苦回首漢東流

長慶寺

梁木

長祖今何在清陰蒲寺門一簾禪壁冷
大界法乘尊鷲嶺千僧茂曹溪七井溪
鉢蓮開面面橫出一枝翻

七言律

踏石披襟故故尋惟餘荒井卧仙陰捐軀浚鑿天爲
苦勞力齊夔孝作心三字斷碑存古隸五絃遺誦播
高吟漫將素纜頻來汲怨慕當年幾濕襟

入隨州

劉秉忠

旌旗裊裊入隨州江漲祥煙散復收千里故鄉千里
夢一聲殘角一聲愁月明湏水魚龍夜霜蒲乾坤鴻
鴈秋黃耳不來家信遠西風腸斷白雲樓

論僧無念

明太祖

從師童子問清鉉世事茫然學坐禪
忽出漸知心是德安府志

卷之廿

藝文

齋

佛老來悟得性通天朱門不謁藏金錫茅屋無干欵
碧泉召至九重談妙法問伊落魄幾經年

懷贈無念二首之一

明太祖

志空五蘊隱藤蘿深行由來積歲多山鬼鑑之常擁
護女神到處每撝呵戒如皎月天將曉定若巍山世
欲歌幾度有時思善者命齋松實誼盤陀

其二

談空幽隱入煙蘿路合蒼苔歲月多問道無門明五
教進窟何處受三呵殘經對月從空誦補衲朝陽自

在歌心影山間真寂莫傳燈松下任坡陀

應制說偈

僧無念

萬幾之暇究真鈔百草頭邊佛祖禪毛孔口含塵刹
土毫端見出性中天定回坐看雲橫谷行樂閒觀石
湧泉林下小僧無以報祝延聖壽億千年

觀畢舟歸武昌

僧無念

舟行帆飽柁機鉉船空堪棲老衲便兩竿樹催風力
健一江波湧蜃威鮮邯鄲誰問黃粱夢少室渠蒸不
二禪午夜雪山星忽見再三三苦空年

德安府志

卷之四

藝文

十五

武昌歸隱

僧無念

躡雲深入萬重山回首煙村遠世窳初夜不聞三弄
引五更惟覺四時閒天香馥郁盈禪座月色精英照
影間此似市廛車馬集此心無事相與關

神農洞天

顏木

億昔鴻荒邈歲年至今風物尚依然溪山不換巢居
心日月長明大始天紫火潛通三島客鉉臺遙引九
華仙世間墳典無人解澆浴何時復古先

前題

梁中極

斷碣殘碑莫問年
松間苔徑自悠然
川原歷落皆皁
雲物蒼茫只洞天
應是明農纔足帝
何緣絕粒更
稱仙
長沙南畔秋光遠
那復臨風弔古先

前題

陳占祥

耒耜功開不記年
洞邊苔繡猶蒼然
混沌似鑿羲皇
道泐穆魯留巢燧
天到處盈寧思續
古何人服食不
稱仙
星移物換知多少
不改山形任後先

東閣朝陽

周宗成

海日輕從殘夜明
誰知遲晚發山城
爲迎開霽雲間
德安府志

卷之廿

藝文

六

影猶帶蒼涼
露色新寶曆
當千瞻瑞捧
丹楹無一待
階鳴平蕪再構巢
阿盛須信人間別
有瀛

洪山返照

馮士淑

柴門寂寂對洪山
曉起看山到晚間
遠樹鳥棲樵子
過荒岸猿呌野僧
還湖光嵐色連天
薄澗水溪雲映
日閒
天地曠然殘照裏
多情鹿豕共盤桓

澹水漁歸

萬遠思

飛煙隱隱暗溪船
斷續濤聲入暮天
短笛鳴咽依蒲
外輕撓欸乃落雲邊
一灘明月堪爲侶
蒹葭載清風不

用錢除道祗今何處是不磯西畔任忘年

自厲山舖入棗陽道中 鄭和張 瓚

大火西流暑氣微蟬聲到處似相隨
重岡地脉分歧路晚稻田疇賴古陂
白水曾聞光武宅青山未訪蔡倫池
夕陽欲斂荒村暮忽憶浩然投館詩

登白雲樓 宗 彙

山樓粉堞北風鳴
攜酒登臨漫洗觥
野客憑闌驚滌浪使君引袖拂天星
分涇晚眺朱欄眼橫草遲芳紫閣名
繾綣夜涼人醅酌相看一笑楚雲橫

德安府志 卷之詩 藝文 七

洪山道中 太史何宗彥

秋高氣爽擁輿行
轟轟峯巒隱化城
環抱千山青霽合劃開一線法雲明
笙簧走路香風遶
薤薘橫岡帶露清
愧我塵蹤穠欲界
暫襟身世學無生

遊大洪和伯兒韵 何宗聖

躡石披荆頂上行
葱葱佳氣遠香臧
跨看萬壑秋雲淡
遙望諸天慧日明
細雨涓涓塵自洗
野花脈脈境偏清
來遊幸有謝康樂
着屐追 典生

表節婦梁貞媛 推官洪吉臣

雄文五系炳長離何事殷殷惜寒騎一夜春帆飛夢
澤幾年明月並勞思君傳章句籠紗業我願共姜沈
栢詩自是天心隆節義竚看孝里起宏詞

夜光池

相傳蛇啣珠報隨候處

梁延年

一息微生轉瞬中敢將再造籲蒼穹亦知斗水施非
易誰念靈臺惠不窮徑寸明珠初吐月半圭良藥早
乘風瀕危物命真堪惜蒲眼殘黎患正同

遊洪山

李振藻

看山喜到最高頭遮莫嵐光一瞬收星到銀河倚斷
德安府志

卷之廿 藝文

六

壁翠連鷄尾跨長洲雙龍直接千江水三釜高懸萬
仞竝好景句中留不盡何人堪續此間遊

應山縣詩

四言

楊忠烈贊

孟淑孔

白虹西來北尾南首初衝貫索頃冲十口掠樞掃軒
渡漢東走踰河而滅一瞬之久白羊捕鼠三頭六首
一羊二猪借無同有

五言古

行經平靖關

明何洛文信陽

南山秋色高黃河盤千里形勝控淮南要害轄楚尾
峭蒨入雲平崢嶸拔地起巖岫何渺冥岡巖多剝施
遠近見霞標高下去天咫飛流瀑如練彌望樹若薺
蔽隱變日月峻絕饒壁壘中徑巨靈擘箭括通迤邐
一夫當莫開丸泥封可恃必爭想齊梁雄吞吊申芊
出入鷄自鳴陟頓馬頻委坂折摧車輪石危妨屐齒
重繭疲征人濟勝愜遊子九塞此居一殺函壯堪擬
屢憇始及巔崇墉冠峯趾古廟棲寒鴉蕭條惟羽士

德安府志

卷之廿 藝文

充

躊躇天塹空關門氣正紫慚非青牛駕彷彿逢尹喜
曠緬俯中原悠然酌清醴聖德方無外車書混文軌
出關無用傳設險亦徒爾折衝屬廟廊願言圖至理

印臺書院詩

何遷

印臺何巍巍荆楚瞻景光美人姿遠心游衍古臺傍
卓越比英姿淑黨施衆芳朝披陽阿林夕薄陰卉岡
環顧高雲齊天漢斷微茫開極七澤渺杖策九嶷長
鄴阨橫荒塗洞庭轉蒼蒼因之覽四海鸞鷲與翱翔

前題

倫以訓

維天有應門虎豹雄九閩維南有印臺三楚稱名山
我愛山中人揚芬立臺端南北兩高峯秋森蒼翠寒
詫我故山圖恍若遊其間清泉俯可濯喬林高可攀
何當一振衣白雲生巔峴

抵恨這關

傅鶴祥

驅車陟崇閔盛暑竭蟲蟲遵汝郎吾家過關臨吾治
膏醫澗邊松簇簇攢嶺翠旬宣郎子國

君恩荷隆異道方歡聲迎童叟穿薜荔連年苦軍興
逆醜猶作祟師行則糧從徵輸極勞瘁自顧靡一長
德安府志

卷之四

藝文

七

寶林寺

應山鍾文亮
教諭

山聳千峯秀溪蟠九曲流身鳴蘿樹暗僧定竹房幽
久坐塵機息飄風兩袖浮

七言古

弔連庠塚

明理學
名臣 薛瑄

矯奸善兮行以躬完素履兮一初終化邦鄉兮草蟲
凶出爲政兮用其中三鍾山兮屹穹崇與公德兮並

其隆豈獨文兮耀幽宮宜配社兮同勾龍俾世世兮
飯而從里閭樂兮廉讓風刑罰措兮年晏豐溥哉利
兮垂無窮

寶林寺

明知馬 龢

溪山翠結招提境暫憇肩輿一望高古栢參天青擁
蓋新禾沐雨綠翻濤九峯禪定曾巢鶴五馬光生侶
跨鰲來訪遠公遺碣在摩挲盡日不知勞風生萬壑
鳴竿籟下漲千溪噴雪濤

前題

應諭王守約

德安府志

卷之廿 藝文

七

屋頭雲氣來山雨庭外松聲落海濤煥爛文章留御
墨雀兔樓閣擁神鰲何時擬結淵明社載扣禪關不
憚勞

表忠歌

周嘉謨

衡山屺岬俯三湘雲夢蒼蒼水渺茫天植精忠扶泰
運中丞家世水雲鄉少年登第姑蘇令清如止水明
如鏡一從簪筆入承明封事纍纍多諫諍光皇御極
甫三旬擊壤謳歌徧海濱一朝不豫漸彌留中使傳
宣閣部臣公劾崔豎先有奏天威莫測疑窮究豈意

隨...後...承顧命真希觀周旋御榻親龍顏十
有...涕泗潛旁門倏引東宮入傳信封后詔宜頒
諸之啓奏冊儲訖上顧東宮心若怵仍諭輔佐爲堯
舜舊命相看喉哽空旋呼左右進紅鉛喜倡仙家續
命丹味爽倏傳遺詔下舉朝錯愕痛心酸午門首聚
奔趨...遙想冲嗣正孤立相攜排闥入乾清號泣旻
天情...棘環侍宮門幾許時長君方得出堂垂僉謀
捧...八文華拜舞嵩呼列陛墀隨請移蹕居慈慶長
樂...道氛未靜移宮拜疏有公疏君歎慷慨如拚命

德心海志

卷之四

藝文

七

芳辰快觀六龍飛旭日中天萬象輝此際彤庭歌喜
起先期...在官闈詎知當日移宮事實爲逆璫心
所忌太...經年黨惡橫行太恣肆公馳一疏
九重天...萬種誓臚列欵開二十四惡璫心
...天聽遠...徒蹇蹇憾不
...相沿胎禍本公旋解綬入江鄉
...至悽慘如飄六月霜
...有...堂有母親面相看淚如雨地方幾有揭竿
...君言剴切始安堵一入長安逆撫司羅鉗吉網日

追隨酷拷飛贓逾數萬賣鬻賠償累親知執政道疏
同肺腑三朝一比魂飛喪五彪五虎濟窮兇七尺殘
驅成臨醬嗟乎天遠九重墮舍殮何從問六親與君
共作囹圄鬼更有忠貞十數人此等沉寃何處雪天
網恢恢疎不洩聖明天子蒞朝堂大憲渠魁同珍滅
厚臣表奏顯忠良贈卹從優白骨香煙煌煌丹詔輝珂
里七澤三湘倍有光楚人祇爲同開黨朝市山林罹
一網官誥頒還起廢頰陰翳忽開天日朗恩昔同朝
共事時余爲首部義難辭並許赤心扶社稷微軀何
德安府志

卷之七 藝文

七

得計安危笑爾無端風浪起乃以移官掛人蔭與君
並列奸黨中余倖偷生君已死惡典今從一炬焚葛
藤已斷淨浮雲忠肝義膽難摹寫自有流芳百世文
部公世講篤忠義目擊心傷如芒刺多方優卹廣皇
恩捐貲下檄頌三四首倡祠祀愜輿情余亦捐滴助
弘深生者樂旋歿者寧崢嶸廟貌千秋名

五言絕

渡蟻橋

明倫李元

渡蟻本無求水元亦偶爾所貴君子心愛物當如此

五言律

送楊大洪年丈之常熟令

傅振商

別袂都門慘海虞
即宿明山酒香韻
靜水學孝心清
致遠仙為令績高
錦作城懸知奏第
一應不為將迎

寶林擁翠

廬士常

寶林蒼翠地草樹
亦幽香山逼雲容
泛天空雁陣長
嘉陽思老衲北面
問先皇寧無何有
始稱快足鄉

天澗雲深

羅人龍

可曲雲間去俗溶
遠砌游林煙晴亦
濕樹色暗中浮

安府志

卷之廿

藝文

七四

石驚飛鳥迷津問
牧牛桃源如有路
漁棹向谿求

永陽道中

薛瑄

苗壑嵐光曉駘驄
馬行茂林交擁蓋
修竹送前津
一向溪風冷經心
石澗清豺狼應遠
迹狐鼠不須驚

過渡蟻橋訪破雲和尚

傅孕鍾

徑一收嶇路山林
逸興孤橋邊憶宋
渡道左訪僧區
羨僧似謝愧我髯
非蘇欲浮生事云
何示酒徒

恨這關

李士端

古關名恨這未識
始何年半是悲岐
多應感暮天

生雖非並世事或有同然冰雪
煌裡匆匆拜聖賢
過恨這關

明經 熊廷弼 江夏人

兩年關上路三度病中過衰爲沙塲早愁緣世網多
逐臣并糞土舉國驚風波涕泣三朝事馳驅敢惜他

興龍寺

教諭 鍾文亮

一徑沿流入雙崖劈石開朱門新梵宇碧草舊經臺
僧少廊棲虎塔閑樹襍萊行童驚客至相逐出雲來

前題

明縣令 張博

四壁儼如削天中一寺開泉歌間笙磬山色遠樓臺

德安府志

卷之廿四 藝文

又七四

身自井中出僧從澗底入紅塵應不到別是一蓬萊

前題

明通判 張芷 邑人

軒窓豁煙樹覽聽協歌詩泉密龍眠穩山高日上遲
鳴鈴酬鳥韻飛絮掛垂絲應笑讀書客譚禪半不知

前題

明都御史 何宇度 郡人

蒼磴還千丈清溪恰九盤雲霞籠古剎薜蘿隱諸天
虎卧峰前石龍吟澗底泉只疑崖穴裏應有地行僊

遊天井澗寺

程致遠

未換行慶豈無因草薺檐岫色葭飛黍谷春

萬花難秘錦百鳥欲張斷檀板留雲在山僧定裏詢

前題

邑庠曹士任

靈壁關雙闕一溪何杳然雲依山曲新水與樹周旋
身出寺邊井人穿谷口天地荒蒼日早駐馬得高賢

讀書龍興寺

進士周統

忠烈遺高跡勸此讀讀余今復問津山川猶自古窮
遠尚殊身嘯冷千峰月胸蘿萬象春東山如可出能
不念吾民

傅居士過訪曼賦

釋超權

德安府志

卷之廿五

七五

征鞍猶未解高步扣荒扉笏舞欣良晤燈傳識少微
花殘初夜影月出上弦輝復許重來日鳴鞭聽北歸

七言律

聞楊大洪給諫入都

尚書傅振商

分岐南北渺風煙歲老孤吟倚渭川隴上折梅懷楚
客燕中鳴佩羨楊泉防危正卜出山駕匡弼應陳厝
火篇我的寄君寧夏信烽臺空設已安邊

寄題韓公畫錦堂

宋祁

瑞節前驅畫錦身堂成署榜示州民遷鶯賀燕翩翩

集佳樹甘棠次第春漳岸夕波通沼溜魏臺曠日弄
梁塵君看千古青編上得意如公有幾人

四賢祠

楊漣

載酒斯堂豈漫遊典刑不遠得荷修連名宦業推清
凍渡蟻何心應狀頭山外三鍾仍紫氣橋南一派擁
寒流地靈尚侶偉人傑未信芳從兩姓收

陳烈婦詩

楊漣

熄燭曾盟合誓時於今殉死益堪悲一雙玉墮春織
筍蒲首刀殘雲鬢絲名並湘君能泣竹羞渠卓女解
德安府志

卷之

矣

聞詩漢東自昔多姮節二百年來此一音

秋日過楊大洪手談竟日

尚書傳振商
宮保

斜日頻歌行路難相將青眼便彈冠感時久覺秋雲
薄把臂初疑旅思寬雨過蝸蟬喧晚樹風迴花檻度
芳蘭聊修坐隱商山樂笑指觸鬢局上看

弔彭節婦

進士朱孔照
邑人

英魂長在北山頭太息當年淚未收就義止知光烈
日捐生何惜等浮漚淋漓痛血雙織斷宛轉推心兩
着颺正氣千年誰可並白雲明月老松楸

恭謁楊忠烈年伯祠瞻禮遺像 傳孕鍾

誼同猶子甫登堂瞻禮傳容肅拜颺每望江雲懷遺
稿纔來祠宇頌留芳山川正氣名垂遠天地全人澤
應長久矣春秋崇饗祀丹心萬古碧於霜

傅氏毋子殉節詩

程正揆

搢擗無柰月明湖臨難全貞女丈夫兩壁自其波上
碎雙珠爭肯土中汗節完毋子天俱老名盡乾坤海
易枯湘漢從今憑弔者清吟一曲鳳將雛

應臺半月

翰林張希良

平臺一片曉煙前別墅嘉禾 汝川譜裏花封山作
冢城頭姑射吏如仙暗泉夜夜看初月古渡人人話
晉賢獨有登臨偏感慨楊公名共日星懸

高貴凌霄

閔 衍邑人

南望楚江如帶流北瞻崧嶽靜中收陰晴不與人間
共奇險多為俗子讐古澗千尋高鳳關飛泉百道湧
龍湫十年前後躊躇地及到相逢難遍遊

乳岸九峙

邑舉陳仰可

山勢嵯峨障永陽連峯一望遍三湘資生偶爾多坤

德天保何須頌，舊章高列蓬壺藏。石髓隱然仙窟注，瓊小應民欲跪承甘澤時。下飛泉雨露香。

栢子樹青芸閣

楊 漣

官閣凌空汶水深，金飈初動客登臨。浮雲易改三山色，落葉先驚萬里心。江上美人遺襍佩，城南少婦試清砧。繁臺菟苑今禾黍，日暮凭闌思不禁。

寶林寺

明隨州陳天祥學正

見約尋幽喜欲騰，不辭山路馬登登。校書日掃風前葉，敲句時逢月下僧。老鳴巢雲來殿閣，清泉鳴玉瀉巖層。淋漓醉墨人題壁，夜會紗籠許我曾。

六

又

明縣張 寬

石龍深處最幽玄，借榻招提謾講禪。一代聖謨光射斗，四時古木秀參天。無邊月色和雲影，不盡禽音雜澗泉。清味這般渠識得，埜花芳草白年年。

又

明林 瓚

悟得僊機一味鉉，乾坤隨處浪參禪。方知物外元無象，始信人間別有天。深院落花通曲徑，斷嶮收雨聽鳴泉。山僧問我雲遊日，弄月吟風不記年。

檀欒亭下竹千竿駐馬重來縱一觀偃蹇
砌飄蕭直上挿雲端梳風篩月枝枝韻傲雪
冰寒自笑塵襟牽俗累此君未許等閒看

遊觀音坡

盧士常

無復補陀山上尋此間已自足清音風吹修竹
疎還密月到寒泉淺亦深不有菩提成妙相何緣野陋見
天心鸚鵡聲柳色依然在疑是當初祇樹林

過應山聞傅繡水太守自歸巴還往晤

辛璘

二

三舍再相逢江漢右稱陳仲弓丰采瞻羊裘與
帶新詩過瀼西兼東巴童歌舞千邨雨峽口波濤萬
里風今代版章饒遠畧會看礎石書豐功

遊楊忠烈公西園

傅孕鍾

名園攬勝壯山城雨後風光景更清蕉色疑分秋水
綠榴花欲照晚霞明樽開此日憐同調譜叙當年重
舊盟兩月客中鄉思遍聊爲停轡緩歸程

秋日過觀音坡東巖偶題

因過看竹此登山白兆諸峰指顧間
雨歇寒巖晴尚滴雲封冷閣書常
關殘碑古篆疑無字斷澗懸藤遠
欲攀爲愛僧閑前問渡夜涼一榻
枕潺湲

其二

淙淙澗鄉洗危橋渡蟻荒郊驛路
遙僧定泠槃巢白鳥我來松頂據
青霄螺浮月上秋杓皎樹老蟬鳴
晚更囂刺史畱題蘓步在重游何
日聽鸞鑿亭係郡伯公題額

